

de la mort de personne quand l'heure en est venue,
il sçait tout ce que vous faites.

*LE CHAPITRE DE LA TROM-
perie, contenant dix-huict versets,
escrit à la Meque.*

AV nom de Dieu clement & misericordieux.
Louëz Dieu tout ce qui est au Ciel & en la
Terre, il est Roy de toute chose, loüange luy est deuë,
il est tout- Puissant; C'est luy qui vous a creés; les vns
obseruent ses commandemés & les autres sont infi-
delles; il void tout ce que vous faites. Il a creé les Cieux
& la Terre, il vous a formés, & ferez vn iour assem-
blez deuant luy pour estte iugez, il sçait ce qui est au
Ciel & en la Terre, il sçait vos secrets & ce que vous
publiciez, il sçait ce qui est dans le cœur des hommes.
Nauëz vous pas ouy ce qui est arriué cy-deuant aux
impies? Ils ont esté punis, ils sont morts dâs leur mal-
heur, & ressentiront à la fin de rudes peines parce que
Dieu leur a enuoyé des Prophetes pour les instruire,
& ont dit, Quoy? vn homme comme nous nous en-
seignera-t'il le droit chemin? Ils les ont mesprizez, &
ont abandonné la loy de Dieu; il n'a pas affaire d'eux,
il n'a pas besoin du monde, loüange luy est deuë en
tout lieu; les impies croyent ils qu'ils ne ressusciterôt
pas? au contraire Dieu les fera ressusciter, & leur dira

*Kitab
el tenoir.*

tout ce qu'ils ont fait, c'est chose facile à sa diuine
 Maieſté. Croyez en Dieu, en ſon Prophete, & en la
 lumiere qu'il vous a enuoyée, il ſçait tout ce que vous
 faites. Souuiens- toy du iour qu'il vous appellera
 tous en Iugement, ce iour ſera le iour de tromperie
 on cognoitra ceux qui ſe ſont trompez eux-mesmes
 & ceux qui ont trompé leurs prochains. Ce iour les
 pechez ſeront pardonnez à ceux qui auront crû en
 ſon vnité & qui auront fait de bonnes ceuures,
 ils demeureront eternellement dans des iardins où
 coulent pluſieurs fleuues, les infidelles qui meſpriſent
 ſes commandemens ſeront precipitez dedans l'Enfer
 où ils bruſſeront eternellement; il ne vous arriue
 point de mal que par la permiſſion de Dieu, il donne
 patience à celuy qui croit en ſa diuine Maieſté, & ſçait
 tout. Obeiffés à Dieu & à ſon Prophete, ſi vous leur
 deſobeiſſez ſçachez que le Prophete de Dieu n'eſt
 obligé que de vous preſcher la verité de la foy, il n'y
 a qu'un ſeul Dieu, tous les vrais-croyans ſe reſignent
 en ſa diuine volonté. O vous qui croyez, vous auez
 des enfans & des femmes qui ſont vos ennemis, gar-
 dez-vous de leur mauuiſe volonté, ſi vous leur par-
 donnez, ſi vous vous eſloignez d'eux, Dieu vous ſera
 clement & miſericordieux. Les richesses & les en-
 fans vous empeschent ſouuent d'obeyr à Dieu,
 mais ſçachez qu'il recompense abondamment les
 gens de bien, craignez-le de tout voſtre pouuoir,
 eſcoutez ſes commandemens, obeiſſez luy, faites des
 aumosnes, celuy qui ne ſera pas auaricieux ſera bien-

heureux, si vous prestez quelque chose à Dieu il vous le fera multiplier, il vous pardonnera vos pechez, il agrée la recognoissance de ses bien-faits, & est tres-misericordieux. Il sçait le present, le passé & le futur, il est tout-Puissant & Sage.

LE CHAPITRE DV DIVORCE,
contenant dix-huict versets, escrit
à la Meque.

AV nom de Dieu clement & misericordieux.
O Prophete, lors que vous repudierez vos femmes, repudiez-les suivant les Ordonnances & les Loix, & comptez le temps qu'elles doiuent attendre auant que de se remarier; Craignez Dieu vostre Seigneur, ne les faites pas sortir de leurs maisons, & ne les chassez pas auant le temps ordonné si elles ne sont surprises en adultere, telles sont les ordonnances de Dieu, celuy qui les outrepassera fera tort à soy-mesme, peut-estre que Dieu ordonnera quelque chose d'elles que vous ne sçavez pas; Lors que le temps qu'elles doiuent attendre sera finy, retenez-les, ou les quittez avec civilité, vous prendrez des personnes de vostre Religion, gens de bien, qui seront tesmoins de vos actions, deposez avec verité de ce que vous aurez veu, il est ainsi ordonné à ceux qui croient en Dieu & au iour du Iugement. Dieu de-